



53171

I Mag. St. Dr.

P

*Tractum minor. Reformatior. Com. Cracovi.*  
*Conclusiones Physicæ.*



Ac



bie  
ea e  
em  
Mat  
ia p  
orn  
uo  
atu

MA  
p  
on  
ote  
ant  
a,  
amp  
ant  
cul



# CONCLVSIONES P H Y S I C Æ.

Ad Mentem Doctoris subtilis IOAN-  
NIS DVNS SCOTI. 53171  
I



I.

**P**hyſicâ ſeclufa Medicinâ, Alchimiâ, & ſimilibus facultatibus, eſt Scientiâ Speculatiua, habitualiter, & actualiter ſumpta, non eſt vna ſimplex qualitas, cuius ſubiectum eſt ſubſtantia corporea completa, quatenus corporea eſt. Prima principia rerum intrinſeca, quæ neq; ex ſe inuiſem neq; ex alijs, ſed omnia ex iſſis fiunt, ſunt in facto eſſe. Materia & Forma, in fieri verò etiam Priuatio. Ex his materia prima realiter diſtincta ab Elementis, non generabilis nec corruptibilis terminatiuè, datur, eſt q; primum ſubiectum, ex quo aliquid fit cum inſit, non ſecundum accidens, & ſi corrumpatur aliquid in ipſum abit vltimum.

II.

**M**ateria prima eſt pura potentia Phyſica, non tamen Metaphyſica, eſt q; actus entitatiuus in quem, & eius exiſtentiam non inſluit poſitiuè Forma. Subſtantialis, & ſine omni forma poteſt exiſtere ſupernaturaliter, recipit autem Formam Subſtantialem ſecundum ſe immediatè, potentiâ formali receptiua, quæ eſt proprietas eius quarto modo, radicaliter tamen ſumpta eſt de Eſſentia ipſius. Appetit omnem Formam ſubſtantialem, habitam vel habendam, etiam quoad rationes particulares ipſarum, magis tamen perfectiores imperfectioribus,

A

habita



habitâ autem quauis perfectissimâ adhuc appeteret imperfe-  
ctiores, idq; eodem appetitu radicali, etiam diuersas specie, &  
ipsa est eiusdem speciei in omnibus vbicunq; datur.

### III.

**D**atur Forma substantialis, Estq; substantia incompleta nata  
actuare materiam, faciendo cum ipsa vnum per se, virtuali-  
ter solum præexistit in materia actionieductiue sui, quâ omnis  
forma educitur de potentia materiæ, præter Animam Ratio-  
nalem. Duæ vero Formæ substantiales supernaturaliter tan-  
tùm possunt esse in eodem subiecto, sibi non subordinatæ, qua-  
liter etiam vna Forma potest informare, duas Materias adæ-  
quatas. Extra subiectum verò, licet non eodem concursu quo  
in subiecto, potest tamen conseruari sine addito modo Perfei-  
tatis.

### IV.

**P**riuatio non debet præcedere formam in Materia tempore,  
sed sufficit naturâ, negatiue saltem, vti principiat per suum  
non esse. Vnio etiam inter Materiam & Formâ, realiter ab ipsis  
distincta, datur, Estq; Respectus extrinsecus adueniens, non  
Modus substantialis vel Accidentalisis. Vna porro est materiæ  
ad Formam, Altera Formæ ad Materiam, in eodem composito  
substantiali, in quo Totum substantiale Physicum, distinguitur  
realiter à suis partibus simul sumptis, & vnitis, quas includit  
secundùm proprias rationes, cum distinctione reali mutua, ab  
ipsis, secus dicendum de Toto integrali, & per accidens.

### V.

**N**atura definitur; esse principium passiuum motus & quietis  
eius in quo est, primò per se, & non per accidens, secundùm  
quam definitionem Materia & Forma, conueniunt vniuocè in  
ratione Naturæ, similiter & Anima Rationalis, in quantum est  
principium Intellectionum & volitionum. Priuationes verò &  
Accidentia non item: Distinguitur autem natura ab Arte, quia  
per



per se inest mobili, Ars verò per accidens, & quia mobile habet motum connaturalem à natura, non ab Arte. Causa est id, quod communicat esse alteri contingenter cum imperfectione dependentiæ. Diuiditur verò diuisione vniuocâ in membra realiter distincta, quæ non in omni effectu omnia requiruntur; scilicet in Materialem, Formalem, Efficientem, & Finalem.

#### VI.

**C**ausalitas Materiæ, respectu cuiuscunq; Formæ est vniò, quam Deus non potest supplere, in Materia respectu Compositi. Causa Efficiens, quæ secundum suum esse reale facit vt aliquid existat realiter neq; cum ipso (quâ talis) compositionem faciens, neq; ipsum componens: Eius causalitas in actu primo, est virtus causatiua ipsius, In actu verò secundo, est actio ipsa. Agentia sublunaria corporea, concurrunt ad aliquas substantias, quæ de nouo producuntur, Accidentia verò, nec partialiter immediatè producunt substantias, substantia autem producit in se aliqua accidentia, actione propriè dicta, corpus quoq; calidum calefacit aliud vi caloris non substantiæ.

#### VII.

**C**onkursus Dei non est actio creaturæ, sed alia concomitans actio, estq; Physicè determinatus ad effectum in specie & indiuiduo: non datur alius indeterminatus & inefficax. Deus concurrit ad effectus omnes causarum secundarum, immediatè etiam immediatione suppositi, & implicat quicunq; concursus immediatus creatus ad effectum sine concursu Dei. Absolutè verò Causæ secundæ non debent præmoueri à Deo per qualitatem vllam physicam ad effectus naturalis ordinis, determinantur autem ad indiuiduum actûs, intra eandem speciem à Deo, non tamen determinantur ab ipso causæ liberæ ad speciem actûs. Datur potentia obedientialis passiuæ in omnibus subiectis, ad quamlibet formam, independentem essentialiter à subiecto, Actiua verò in aliquibus tantum ad aliquas.

#### VIII.

**E**xemplar seu Idæa est id (quod) respicit efficiens, dum agit vt similiter agat, estq; conceptus obiectiuus, & reducitur ad genus causæ Efficientis. Finis est id propter quod aliquid fit, estq; vera causa, eius causalitas in actu primo, est bonitas vera, saltem possibilis, non verò cognitio eius, in actu verò secundo est motio, ac determi-



natio formalis obiectiua: Agunt autem propter finem, Deus homines, imò probabiliter & bruta. Instrumentum est id, quod vi suæ figuræ ac quantitatis tantum concurrat ad aliquem effectum, ad quem assumitur: Omnis porro causa (quæ talis) debet existere prius naturâ suo effectui: Materialis, & Formalis est imperfectior suo effectui, Finalis verò aliquando, Efficiens etiam partialis, potest esse imperfectior effectui, Totalis nunquam.

I X.

**I**dem effectus non potest etiam supernaturaliter, à duabus causis adequatis dependere, potuisset verò ab una, nisi productus fuisset ab altera intra eandem speciem. Mutua Causalitas repugnat, reproductio verò effectus corrupti ex parte rei suppositis ipsidem quæ prius erant causis non repugnat. Agens Infinitum non omnino debet esse præsens passio ut efficiat, Agens quoq; creatum potest etiam immediate agere in distans, & potest aliqua causa totalis physica mouere se ipsam motu physico. Motus, etiam instantaneus, definitur esse, actus entis in potentia prout in potentia, subiectum ipsius in ordine ad Formam intrinsecam, est ipsum mobile, à quo realiter distinguitur, sicut & ab agente, & termino, estq; realiter unio mobilis ad Formam.

X.

**L**ocus est ultima superficies corporis ambientis immobilis, potest res existere sine ipso; possunt duo corpora in eodem loco esse, ac vnum in pluribus locis esse, non implicat, etiam circumscriptiue, in quibus tamen locis, non potest habere formas repugnantes in eodem loco; & potest per absolutam potentiam, cum replicato corpore, non replicari aliquid accidens absolutum ipsius. Vacuum naturaliter non supernaturaliter repugnat, in ipso terminato graua, & leuia mouerentur, & progressiua in solido. Datur Infinitum Syncategorematicum, in magnitudine, Intensione, & numero, Categorematicum verò in extensione, & numero probabile est dari, non tamen in Perfectione creata. Dantur partes actu in Continuo, citra omnem designationem extrinsecam, de quibus nusquam certo conclusum est, an sint diuisibiles in infinitum, an uerò indiuisibiles. Corpora non viuencia, non habent terminum suæ magnitudinis, secus viuencia. Sic cuncta metiente supremo Creatore, Ad cuius omnia hæc cedant.

*Maiorem Gloriam, Honorem, & Amorem.*

*Defenduntur à Fratibus Minoribus Reformatis in Conuentu Crac: ad S. Casimirum. Anno 1685. Die Mensis Horis pomeridianis.*



Biblioteka Jagiellońska



stdr0016858



